

الرشاد

س ١ ٢ ٣ ٤ ٥ ٦ ٧ ٨ ٩ ١٠ ١١ ١٢

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعه اسلاميه در
اتبعون اهدكم سبيل الرشاد

صاحب و مدير مسئول : ح . اشرف ادیب

مکاتیب

اوروپا نك نقطه نظری و عثمانی لرك موقعی

آلمانیا - استوتگارت

بحر سفید بوغازینک ایتالیا فیلوسی طرفدن طویه طوتلایغندن صکره المان غزته لرینک اکثریتی نشریات آتیده بولنوب دیورلرکه: ایتالیان و عثمانیلر بینده ایدیلان کوچک مقیاسده کی محاربه شو انشاده اهمیتتی غائب ایدرک اوروپا دیپلوماتلرینک اوینادینی اویون پرده سنک آرقه سنده کیزلندی. بالقان محاربه سی، عالمی تحریکه سبب اوله حق درام صحنه سی مدخلی تشکیل ایتدیکندن، اویونه باشلانیه حق زمانک تقرب ایتدیکنی مدھش بر جدیتله بزه اخبار وتبلیغ ایدیلور. بحر سفیده تحکم ایچون ایدیلرک کولشیرک مقدمه سی دیمک اولان مسئله حاضره، ایتالیان و یا عثمانیلرک مظفریتله تعین ماده دیمک اولیوب، بلکه اوروپای وسطی حکومتلری ایله غربی حکومتلری شوق نقطه نظر دن ینه بومدهش بالقان قیالری اوزرنده یکدیگرینه تصادف ایدرک، دکل یالکر اوروپاده، آسیاده بیله، سطوت تحکملرینی تأمین ایچون چارشه جقلردر. طرفیندن برنجیسی برلین، ایکنجیسی لوندره در. روسلر، بوکون هیچ برمانعه یه تصادف ایتدن بحر سفیده کوروب چیقمق اوزره کندیلری ایچون بوغازلرک آچیق بواندیرلمی آرزوسنی صورت قطعیه ده تقویه یه غیرت ایدیور. انکیزلرایسه کافارشوعینی جدیتله مخالفت ایدیور. آلمانلر، قومشوسی بولتان روسلرک آرزوسنی ایله انکیزلرک تهدیدی آرمه سنده دومنسر کمی کی یالپه وورمقده. آوستریا، سلانیکه یان کوزله باقهرق روسلره استناد ایدیور. ایتالیانلر، بالقان باروت فوجیسنک بر آن اول اشعالی ایچون صورت متبادیه ده اوزاقدن دینامتر آتمقده. فرانسلر ایسه، روسلرهمی، یوقسه انکیزلرهمی موافقتله تأمین منفعت ایدیه بیله جکنی تفکر ایله بکله مکده در.

عثمانیلرک حیاتی روسلرک بحر سفید اشتها سنه برسد عظیم حکمکله قائم اولدیغندن بوخصوصده انکیزلرک شمدی یه قدر صرف ایلدکلری سعی وغیرت ثمره سر قاله حق اولور ایسه بو حالده حائر نفوذ اوله حق اولان روسلر انکیزلره بر فلاکت اوچورومی تدارک ایتش اولورلر. عثمانیلرک ذی نفوذ وصاحب قدرت اولسی انکیزلردن ماعدا هیچ بر دولتک موجب منفعتی دکدر. خلافتک ناتوان بولنسی، موجودیتی محافظه یه قدر تیاب اوله میه جغندن، دینی ومذهبی علاقه مربوط وانکیزلرک تحت اداره سنده بولتان برطاق ممالک اسلامیه نك تحریکاته باعث اوله جنی وارسته اشتباهدر. زیرا روسلرک حال حاضره کلنجه یه قدر متبادیا چالشدقلری اناطولی، مصر وهند کی ممالک اسلامیه ده عصیان مشابه بر حرکتک ظهور یله عثمانیلرک حیاته ختام ویریه جک وبونک نتیجه سی اوله رق باشلرینه آچیلان بر فلاکتک دفعه انکیزلر سهولتله موفق اوله میه جقلردن تحکم عالم منزله سندن سقوط وروسلرده مقصدلرینه نائل اوله جقلردر.

ضرورت حالی اکتساب ایتشدن ظن ایتیزکه یاک برماضی یه، حیت وفدا کارلقه مشحون بر حسن مربوطیته صاحب اولان زوالی اهالی مسلمه نی بواضطرار اوزرینه اختیار ایتدکلری طریق التجادن طولانی تقییح ومؤاخذه ایدرک بر طنداش بولنسون! اوپچارکانه مصائب غربت، مرارت حیات کافیدر. جانی، عرضی، مالی ومقدسات نامیه نه موجود ایسه جمله سی دوچار تعرض اولدقلری وبوتعرضاته قارشو قویه حق بر قوت، بر قوه اداره عجز ایچنده بولنهرق - محررک دیدیکی کی - انلرک فریاد استمداد کارانه سی استماع ایله محاکمه، ضابطه وسائر اقسام اداریه ده تأمین عدالت ومساوات ایچون ارائه آثار حیات وفعالیت کوسترمدیکی حالده اهل اسلامی عدم ثبات ایله معاتب ایتک انصاف سزلق اولور.

مذکور مکتوبک بر فقره سنده «خرستیانلر ترکیانک بویوندورغی آلتنده ایکن چکدکلرینک انتقامنی شمدی مسلمانلردن آلیورلر.» دینور. بز بوکا بتون موجودیتله اعتراض ایدر و دیرزکه: ظلم واستبداد بتون ممالک عثمانیه ده جانخراش بر صورتده تدویر چرخ ایتکده ایکن کریدده حکومت عثمانیه اساسات مشروطیت دأثره سنده اداره امور ایدیور وکریدلیری «خالپا» قرارنامه سی ومقررات سائر احرارانه احکامیه بر سعادت اجتماعیه ایچنده یشاتمق تشبثاتنده قصور ایتموردی. پارلمانر حیاتک کوچک قطعیه بر نمونه سی ارائه ایدن کرید مجلس عمومیه سی منتظماً اجرای مذاکرات ایدرکن سائر ولایات اهالیسی استبدادک مضیق بچه لری آلتنده ایکه بوردی. حق الانصاف دوشونیلورسه کرید، لوی عثمانی آلتنده فعلاً وماده اداره اولندینی مدتجه اهالی محلیه دولتدن، حکومتدن لطف، شفقت وسماحت تبعه پروریدن بشقه برشی کورمدیلر. هر سنه مصارف متفرقه فوق العاده دن ماعدا اون بیک لیرادن اشانغی دوشمش بودجه آچیغنی طولیران بوترکیا حکومتی دکلی ایدی؛ فقط کرید خرستیانلری بونعمتی بیلمدیلر. نانکورلک ایتدیر. شمدی ده ادعا ایدیه یلرکه اوفعل قییح حدناشناسانه لرینک جزای سزاسنی جزیره ده مستولی سفالت اقتصادیه طولانیسیله چکیورلر. بوکون محررک بیاناتنه تمامیه مخالف اوله رق ادعا ایدرککه کرید خرستیانلری حرکات جنایتکارانه لرله ترکیانک چکدکلرینک انتقامنی الیورلر دکل، اوترکیا اداره سی سایه سنده اله کچیرمش اولدقلری قصر مزین ومحتشم حریتک ینه ترکیانک اثر سماحتیه ترصین ایدلمش اولان تمللرینی بر فوران وغلیان مجنونانه ایله کوله رک، اوینایه رق ییقمغه چالیشیور وایچه ده موفق اولیورلر! یازیق!

کرید رسمو اهالی مسلمه سی وکیل عمومیه سی
دعوا وکیلی کریدی

احمد ساقی

رسم کشاده بولنه مدققرندن طولای تحلیفلی اجرا ایدیلله بین مبعوثلر مقام ریاست اوکندن کچرک، طرز سابق وجهه، بین ایتدیلر.

رئیس موقت انتخابی. — هر مبعوث ماصه سنک اوزرنده کی طرفه انتخاب ایتدیکی ذاتک استی یازهرق قوطویه آندی. رأیه اشتراک ایدن موجود مبعوثن (۱۵۰) ایدی. نتیجه تصنیفده ۱۴۲ رأی ایله قسطونی مبعوثی احمد اهر افندی موقت رئیس انتخاب اولوندی.

موقت رئیس رکبلی انتخابی. — بونی متعاقب موقت رئیس وکیللری ایچون رأی پوصله نری طویلانهرق تصنیفه باشلاندم. تشتت آرایه بینی اکثریت مطلقه حاصل اوله مدی. یکیدن رأیلر طویلانهرق (۸۰) رأی ایله استانبول مبعوثی آرتاس افندی موقت رئیس وکالتنه انتخاب اولوندی.

طرابلسلر کی مجاهدین استویمیه مدم، مصرلی ونوسلی قارداش شرمزه شکر. — طرابلس غرب مبعوثی ناجی بک. طرابلس غربلرک حمیت و فداکارلارندن، نطق هایونده صرف بیورولان جهه تقدیرکاری نیک مجاهدین اسلامیه اوزرنده کی حسن تأثیرندن بحثله ملت معظمه عثمانیه نیک افکار و احتیاسات برکزیده و طنبورانه سنی تمیل ایدن هیئت ملیه نیک فائحه اعمالی اولق اوزره میدان حربده کی مجاهدین محترمه نیک حرارتله سلاملانسی تکلیف و کفایتک درحال تلغرافله تبلیغ بیورولسی طالب ایتدی. عموم طرفندن قبول اولوندی.

بنغازی مبعوثی شتوان بکده دارالجهادده کی اسلام قوماندانلریله محاربتک بدایتندن بری حسیات عالیه، معاونات و مهمات فوق العاده ابراز ایدن مصرلی ونوسلی قارداش شرمزه ده بیان تشکر ایدیلسی تکلیف ایتدی، بلا افاتنه وقت تلغرافله تبلیغی قبول اولوندی.

شعبه لر انتخابی. — بده لایعالتعین هر برنده برر مبعوثک استی یازیلی اولان یورلاقلر ماصیه آتدیق صورتیه مبعوثانک شبهه لره تقسیماتی اجرا اولوندی. موجود مبعوثلرک مضبطه انتخابیه لری یورلاقلر واسطه سیله شعباته تقسیم اولوندی.

عثمانی - ایتالیان محاربه سی :

آتیده کی معلومات دارالجهادده کی اسلام قوماندانلرک اشعاری اوزرنه حربیه نظارتی طرفندن عثمانی ازانسته تبلیغ اولمشدر :

طرابلس غرب :

۱۹ نیسانه. — دشمن بوسباح خمس قصبه سنک شرقنده ساحل یونجه بر خروج حرکتی یامیش ایساده کوردیکی مقاومت شهیدیه اوزرنه دکر کنارنده وقصبه دن بر بوجوق کیلو مترو مسافده بولنان لیده خرابه لرندن ایلری کچمه مشدر. بومحاربه ده دشمنک بر معناد بر سفینه حربیه سی دخی اشتراک ایتمشدر. محاربه دوز برخران و باغچه دیوارلری ایله محاط بره طلقده جریان ایتمشدر. ارج شهید ایله اوچ مجروحده مقابل دشمنه یتشی متجاوز تلفات ویردیرلش اولدیغه امینر.

§ شهر حاکم اون طنوزنجی کونی بر ایتالیان طیاره سی سانیه بخ آدیه ۱۶ بومبا آتمش، برنفر، اوچ چوجوق والی کشی مجروح اولمشدر. § عینی کون بر ایتالیان قابل سوق و اداره بالونی عزیزیه ده کی هلال احمر چادرلری اوزرنه ۱۶ بومبا آتمش و ۱۲ کشی جریحه دار اولمشدر. دشمن بشقه ضایعات ایقاع ایلیمه مشدر.

۱۹-۲۰ نیسانه کیجه سی. — خمسه لیده خرابه لرندن تجاوز ایدن دشمن اوزرنه ۱۹-۲۰ نیسان کیجه سی بر باصقین اجرا ایدیلرک محاربه

اگر روسلر ایتالیان و بالقان حکومات صغیره سیله عثمانیلری حرکتیه غیر مقتدر بر حاله افراغ ایدجک اولور ایسه، طرفینده فرانسز و ژاپونلر بولندقلری حالده بیله عجبا انکیزلر بومشکل ایشک اوسته سندن کله بیله جکلمی؟ عجبا انکیزلر بویله بر مشکلاته دوچار اولورلر ایسه فرانسزلرک دوستلغنه اعتماد ایدیه بیله جکلرینه امینمی درلر؟ اورویا دیپلوماتلرینک فکرنه قالور ایسه «روس - فرانسز - ایتالیان و بالقان حکومات صغیره سی» ندن مرکب بر اتفاق وجود بولسی احتماله دهها قریب الدیغی سویلیورلر. بو حال کسب حقیقت ایدجک اولور ایسه، تعقیب ایتدیکی یول انکیزلری طوغریدن طوغری به المان و اوستریالیره سوق ایدجک. ایشه اصل اوزمانده عثمانیلرک حیاتی ابدیاً تأمین ایدیلش اوله جقدر.

اشته بوکا قارشو ذهنه شویله بر سؤال وارد اولور: بالاده بیان اولنان وایکی طرف تشکیل ایدن تجمع حکوماتک حصول ممکنمیدر؟ اگر اوت ایله جواب ویریله جک اولور ایسه، اوزمان اوروپانک صلح و مسالته اسرار زمان ایله مسی و موازنت حکومات ابدیاً تأمین ایدیلش اولور. یالکیز شوشرطله که اگر انکیزلر هیچ بر شرائط وضعنه لزوم کورمه دن المان، اوستریا و عثمانیلریله اتفاق ایتسون. شو قدر که بونکه موجود اولان تهلکه لک استقباله بستیون میداندن قالحه جغه حکم اولنه مز. ایکنجی سؤالی تشکیل ایدن مسئله ده: اگر حال حاضرده موجود اولان اتفاق مثله برده روسلر داخل اوله جق اولورلر ایسه، مزقدر بو دخالت سیاسی و اقتصادی متفقره فائده بخش بر شی دکل ایسه ده، یالکیز عثمانیلرک حیاتی تزلزله اوغرایوب اوغرایمه جغیدر؟ ویانه ویترسبورغه عثمانی یغماسنه اولان خواهشک الان اوستی قبالی طوتولمغه غیرت اولنیور ایسه ده عن قریب میدان غلنیه آتیه جقلری حال و موقعک آلمش اولدیغی رنگدن کدل وضوح ایله اکلایشیلور. روسلرک اتفاق مثله طوغریدن طوغری به دخولی بر طاقم کافته دخی حاجت قالمقسنزین یالکیز مسئله مذکوره اوزرنه یکدیگریله اکلاشمق ایله ده قابل اوله بیلور. بونک حصولیله ده فرانسز، روس، اتفاق شعبه سی سوز.

محمد خیرالدین

۱ توتقارتدن

شهره نون

مجلس مبعوثان عثمانی

فهرست مذاکرانی

ایکنجی دوره - برنجی سنه اجتماعیه

برنجی اجتماع عمومی :

۲۱-۲۲ نیسان ۱۲۸ جمعه ابرتنی
تدلیف. — اولو رسم کشادک ضبطنامه خلاصه سی اوقونددن صوگرا،